

սից 'ի վերայ անհնազանդելոց, եւ կապանօք առաքել 'ի Դուռն: Այլ այսու եւս անհնարին եղեւ բառնալ զխռովութիւնն, զի Յոյնք դարձեալ խնդրեցին հրովարտակ յԱրքայէ, 'ի բաց առնուլ զառաջին և զերկրորդ հրովարտակս 'ի ձեռաց Հայոց և Յունաց՝ եւ պատառել զնոսս, և ջնջել զարձանագրութիւնս նոցին, չվիճել այլ եւս վասն տօնի Զատիկին, և սպառնալիք պատուհասի՝ 'ի վերայ անհնազանդից: Իսկ դատաւորք և գործաւարք տէրութեան, 'ի ժամանակի խռովութեան յայնմիկ, եթէ առեալ իցեն յումեքէ դրամս ինչ տուգանօք, դարձուցեն յետս առ տեարս իւրեանց, և ինքեանք զրկեալ 'ի պաշտօնէ՝ դատապարտեսցին յաքսորս՝ արգելեալ 'ի բերդս: Եւ առիթն խռովութեան ժանտադործ այրն Եուսուֆ՝ ուր և գտցի, առցի 'ի ձեռաց նորա հրովարտակն եւ պատառեսցի: զի այսմ վերջին հրովարտակիս՝ հաճեցան Հայք և Յոյնք: զի օր յառաջ բարձցի եւ անհետասցի խռովութիւնն 'ի միջոյ երկուց ազգաց:

Ի հասանիլ այսր հրովարտակի առ դատաւորս քաղաքաց, արարին ըստ հրամանի Արքային, և բարձաւ խռովութիւնն յարեւելս, և ժողովուրդք սկսան վարիլ սիրով և խաղաղութեամբ ընդ միմեանս:

Այս ամենայն անցք, որք անցին յարեւելս 'ի միջի Հայ և Յոյն ժողովրդոց, հանգամանօք պատմին 'ի գիրս դատաւորաց այլ և այլ քաղաքաց և 'ի Կայսերական հրովարտակս, որք ամբողջ պահին 'ի շարս գրոց Ս. Աթուոյն, յորոց քաղեալ համառօտեցաք զպատմութիւնս:

Այն ինչ հանդարտեալ էր Գրիգոր Պատրիարք 'ի չիութութենէ Ծաղաղատիկ եւ յազմկեալ խռովութենէ ժողովրդոց յարեւելս, և կամէր հանդարտիլ և խնամել զիւրսըն, յարեաւ այլ իմն խռովութիւն 'ի նմին իսկ յերուսաղէմ քաղաքի: զի Լատին կղերք սկսան հակառակիլ և վիճել ընդ Հայոց վասն Պատանատեղւոյն Քրիստոսի 'ի Ս. Յարութիւն, և ջանային արգելուլ զնոսս 'ի մասնակցութենէ նորին, բառնալ կամելով անտի զաշտանակս Հայոց:

Եւ եղեւ յընդդիմանալ Գրիգորի Պատրիարքի, և առաջի առնել դատաւորաց զվաւերական գրեանս վասն այնր տեղոյ, ծագեցաւ ատեւութիւն 'ի մէջ երկուց ազգաց,